

Na 28/8/2018, likambo moko ya makasi esalemaki na ISRAELI babotaki ng'ombe mobali ya mwasi mwekundu. Kolanda bato ya kelasi ya mangomba oyo etali na misala ya Tempelo, balobaki ete makambo wana emonanaki te lisusu koleka mibu 2000, banda Tempelo ya mibale ebebisamaki na Yerusaleme. Balingaki kondima ete kobanda tango ya Moize kino kobebisama ya Tempelo ya mibale, kaka ng'ombe libwa nde bapesaki mpo na kosukola bato.

Na esobe, Nzambe apesaki mitindo na Mokonzi ya Banganga-Nzambe ete bamatisa ng'ombe ya mwasi mwekundu, oyo ezangi mbeba nyonso: esengeli ezala na moto moko ya pete te, esengeli ezala na loposo ya ekolo moko kaka, ezala na malili te, ezala na zemi te, mpe esalelama te na mosala ata moko. Yango wana, kozwa ng'ombe wana ezalaki likambo ya pasi.

Ng'ombe wana babomaki ye libanda ya molako, mpe bapotaki ye na moto. Mabulu na ye bamemaki yango, bakanganaki yango na mayi ya peto, mpe moto nyonso oyo azalaki komonana malamumu te mpo asimbaki nzoto ya moto akufi, to akotaki na ndako oyo moto akufi azalaki, to asimbaki ekunda, to nzoto ya nyama oyo akufi esengelaki bapakola ye na mayi oyo emimanaki na mabulu ya ng'ombe wana na mokolo ya misato mpe ya sambo. Soki moto

atikaki mitindo wana, afutaki na kufa. (Talá Hesabu 19:1-3, Mokanda na Bomoi).

Lokola, ng'ombe wana azalaki ntina makasi na mosala ya Tempelo. Ezalaki likambo oyo ezingaki kokokisama soki ng'ombe wana azalaki te.

Kasi na Boyokani ya Sika, ng'ombe mwekundu azali elilingi ya Yesu Kristo. Ye nde Nzambe apesaki lokola mbeka ezangi mbeba, ata se moko te. Yesu azalaki na bopeto ya nzoto mpe ya molimo, mpe abongisamaki lokola mbeka ya kokoka mpo na biso. Azali “ng'ombe mwekundu” mpo ete yango ezali likanisi ya makila. Yesu apesaki makila na Ye mpo na Boyokani ya sika.

Tango Yawe azongaka, Biblia elobi:

“Nayei kotala, azali kavalo ya pembe, mpe moto oyo avandi likolo na ye abengami Moto ya sembo mpe ya solo, mpe na bosembo asekola mpe abunda... Mpe azalaki na elamba oyo ebwakami na makila, mpe kombo na ye ezali Liloba ya Nzambe.”

(Ufunuo 19:11-13, Mokanda na Bomoi)

Bongo, mpo na nini sik'oyo na ISRAELI emonanaki lisusu ng'ombe mwekundu? Bayuda bazali bato ya mosuni; bamonani naino Mesia te. Bazali kobongisama mpo na kobongisa Tempelo ya misato, mpe basengeli na ng'ombe oyo mpo na misala ya kopetola. Mpo na bango, ezali elembo ete tango ya Nzambe ekoki pene.

Kasi mpo na biso bakristo, toyebi ete mbeka ya solo ezali Yesu Kristo. Ng'ombe ezali kaka elembo. Nzambe azali kosalela makambo wana mpo na koyebisa bango ete tango na bango ezali pene, mpe mpo na biso ezali elembo ete tango ya Unyakuo ezali pene koleka te.

Bandeko, tango nini tozali kovivela? Neema ezali kobongama kobanda epai ya bikólo mpe kokende na ISRAELI. Tango yango ekomi, ndako ya bikólo ekokanga, mpe Unyakuo ekozala esalemaki. Sik'oyo ezali tango ya kopona. Loba mpenza maboko na Yesu Kristo, batisama na kombo na ye (Matendo 3:38, Mokanda na Bomoi), mpe Nzambe akopesa yo Molimo Mosantu mpo na kokamba yo kino na bosolo nyonso.

Kobosana te kozanga Molimo Mosantu ezali kozanga Unyakuo.
Ozali kozela nini?

Nzambe apambola yo!

☐☐ Yokana na mokanda oyo mpe zala na biso na WhatsApp
channel awa:

<https://whatsapp.com/channel/0029Vb6labc8V0tfRqKKY11y>

Share on:
WhatsApp